

তারিখ: ১৯৬৭-৬৮
পৃষ্ঠা: ১ কলাম: ১

৪৫ অভিভাবকের বিবৃতি

টাভির উপাচার্য বিশ্ববিদ্যালয়কে কোথায় নিয়ে যেতে চান?

কাগজ প্রতিবেদক : আমরা অভিভাবকগণ আমাদের সন্তানদের নিয়ে আপনার হাতে জিন্মি। আপনি আমাদের সন্তানদের ওপর পুলিশি তাগুব চালানেন, আবার তাঁদের নামে মামলাও করলেন। অথচ আমরা বিশ্ববিদ্যালয়ে আমাদের ছেলেমেয়েদের ভর্তি করেছি আপনার অভিভাবকত্বে।

ঢাকা বিশ্ববিদ্যালয়ের ছাত্রছাত্রীদের ৪৫ জন অভিভাবক এক বিবৃতিতে এ কথা বলেন। তারা গতকাল মঙ্গলবার এ বিবৃতিতে প্রশ্ন ● এরপর পৃষ্ঠা ২ কলাম ৭

টাভির উপাচার্য

● প্রথম পাতার পর

রাখেন 'আনোয়ারুল্লাহ চৌধুরী বিশ্ববিদ্যালয়কে কোথায় নিয়ে যেতে চান?

তারা বিবৃতিতে উপাচার্য সম্পর্কে বলেন, ছাত্রীদের পুলিশ দিয়ে লাঠিপেটা করে তার শখ মেটেনি; তাদের নামে মামলাও দিয়েছেন। অথচ বহিরাগতদের তিনি 'আনোয়ার প্যালেসে' বিরিয়ানি দ্বারা আপ্যায়িত করেছেন, মাইক্রোবাসে করে গন্তব্যস্থলে পৌঁছে দিয়েছেন। তিনি দেখাচ্ছেন তার ক্ষমতার দৌড়, কিনা পারেন।

ঢাকা বিশ্ববিদ্যালয়ের উপাচার্য বলেন, পদত্যাগের আন্দোলনে গার্মেন্টস শ্রমিকগণ অংশ নিয়েছে। উপাচার্য আনোয়ার উল্লাহ'র এ মন্তব্যের পরিপ্রেক্ষিতে ছাত্রছাত্রীদের অভিভাবকরা তাকে ছিঃ বলে দিক্কার দিয়েছেন। বিবৃতিতে তারা বলেন, আপনার বক্তব্য সত্য হলে আপনার লজ্জা হওয়া উচিত। খেটে খাওয়া সাধারণ গার্মেন্টস শ্রমিকরা বিবেকের তাগিদে বিশ্ববিদ্যালয়ের সাধারণ ছাত্রছাত্রীদের সমর্থনে আন্দোলনে নেমেছে, সেখানে আপনার পাথরের বিবেক নড়া দিচ্ছে না। আপনি আপনার গদি নিয়ে ব্যস্ত, পদত্যাগের তো প্রশ্নই আসে না।

এমনকি আমাদের ছেলেমেয়েদের ওপর পুলিশি তাগুব চালিয়ে তাদের একবার দেখতেও গেলেন না।

এ বিবৃতিতে যেসব অভিভাবক স্বাক্ষর করেছেন তার মধ্যে রয়েছে হোসনে আরা বেগম, মোঃ শাহজাহান, সৈয়দ আবদুস সামাদ, শাহ আলম, তারিখ আইয়ুব, শরীফুল ইসলাম, হাসনা হেনা, শামসী আরা, শামসুল আলম, মীর সানাউল হক, মোহসীনা তনু, মামুনুল রশীদ প্রমুখ।